

現代生活藝術系列

華嚴經疏論纂要 3

— 世主妙嚴品之二 —

華藏淨宗學會印贈

大方廣佛華嚴經疏論纂要卷第三

五臺山清涼國師澄觀疏鈔

太原方山長者李通玄 論

閩鼓山私淑比丘道需纂要

世王妙嚴品第一 之二

○第五明教主難思

爾時世尊處于此座於一切法成最正覺

〔疏〕教主難思者。前但云佛。未顯是何身佛。又但云始成正覺。未知成相云何。故今顯之。謂具十種深廣功德。卽是遮那十種無盡法界身雲。徧於法界。

成正覺也。非權應身。文分爲二。先總後別。今初總辨。卽菩提身。具無盡德爲世所尊。座相現時。身卽安處。智處諸法。無前後故。於一切法。示所覺境。卽一二諦。二諦無盡法也。成最正覺。示能覺智。開悟稱覺。離倒爲正。至極名最。獲得名成。此當相解。若揀別者。凡夫倒惑。佛覺重昏。一乘雖覺。不名爲正。但知法有。未知法空。但悟我空。未知我有。有厭生。空該涅槃。顛倒未除。豈得稱正。設許稱正。亦未名最。菩薩雖正。有上有修。不得稱最。設位極稱最。亦未得名成。我佛獨能。故云成最正覺。謂如量如理。

了了究竟。已出微細所知障故。鈔如量覺俗如理
住菩薩見不了了。唯佛世尊名爲了了。故闍王云。十
了了見佛性。猶如文殊等。已出微細下。釋上了了
究竟之言。障有二種。一現行。二種子。三
習氣。習氣種子。名爲微細。佛已盡故。

智入三世悉皆平等。其身充滿一切世間。其音普順
十方國土。

疏後智入下。第二別中。卽約十德別顯十身。文卽
分十。一三業普周。二威勢超勝。三福德深廣。四隨
意受生。五相好周圓。六頭身演法。七化身自在。八
法身彌綸。九智身窮性相之源。十力持身持自他
依正。今初。卽別顯菩提身之相也。以成菩提時得

無量清淨三輪故。文中分二。先法。後喻。法中三先

意。次身。後語。一。二。業。普。周。者。十。中。後。五。至。十。身。名。前。五。無。有。身。言。而。義。具。之。一。卽。菩。提。

身。前。總。中。已。示。二。卽。威。勢。身。三。福。德。身。四。意。生。身。五。相。好。莊。嚴。身。今初意業卽釋

上成正覺。前云於一切法。此云三世。乃橫豎影畧

耳。智入平等。是正覺成也。智卽二智。三智。四智。無

障礙智。二智者卽如理如量也。此復有二。一以如

量智達俗。名入三世。以如理智證真。名悉平等。言

二智者。卽俗智真智。中道智也。言四智者。卽圓鏡

等四智也。言平等者。鏡智離分別故。依持平等。論

此智心品。離諸分別。所緣行相。微細難知。故云離諸分別。又云。純淨圓德。現種依持。故云依持平等。

意云。雖言現行功德之依。種子。平等性智證平等功德之持。由無分別故得平等。性故。妙觀察智觀察平等。成所作智普利平等。四智圓融無二性故。修生本有。非一異故。不失經宗。四智圓融下。解妨。謂有難云。四智菩提。有為無漏。非我經宗。何得參雜釋此玄旨。故今通云。四智菩提性相二宗。皆具有之。但義小異耳。用之無爽。謂圓融無二。是其一義故。彼宗說四。不得相雜。今明一智。使具四智。故下出。現以四寶珠。喻其四智。然上能覺。卽成上菩提。就其所覺。卽法身也。理智無二。爲真法身。然上能覺。以結者。欲明一菩提身。已二其身下。身業也。通三具法報二身。况具下九。世間故云一切。此正覺身。以是十身之總故。此其身。通於三身十身。無不克滿。法身普徧世所同依。

故智身證理。如理徧故。色身無礙。亦同理徧。竝是
 圓徧而非分徧。謂一切世間。一一纖塵等處。佛皆
 圓滿。總看亦現。別看亦現。總看亦現者。徧法界內
 界故。別看亦現者。則向一一國土。一一塵中。皆見
 全身。故下經云。如於此處見佛坐。一切塵中亦如
 是。佛身無去亦無來。所有國土皆明現。是也。又總
 別看者。總則一身處處皆有。別則支分。眼耳鼻等
 各徧法界。故現相品云。佛眼云。何無有量耳。鼻舌身亦復然。又國土等。卽是我
 身。土等體外無別我故。我卽土等。我之體外無土
 等故。餘一一身互望融攝。猶多燈光各互相徧。前
 能徧三身。非所徧土。今明能徧卽是所徧。能所互
 融故。又明一一身相融和雜徧故。又上約佛身上
 十身。謂菩提願化力莊嚴等。今明三世間無礙之
 十身。謂國土衆生等。故十身相作。于何不融。故云

猶如燈光。經云。譬如冥室百千燈。一
一燈光徧室內。諸佛身智亦復然。三其音下。語
業也。順有三義。一順異類言音。經云。一切衆生語
言法。一言演說盡無餘故。二順所宜說法。如來於
一語言中。演說無邊契經海故。三則順徧。佛以一
妙音。周聞十方國故。

譬如虛空具含衆像。於諸境界無所分別。又如虛空
普徧一切。於諸國土平等隨入。

疏。二譬如下。喻顯通喻三業。然佛三業非喻能喻。
唯虛空真如。畧可顯示。更以餘喻。便爲謗佛。佛鈔然
業非喻能喻者。八十卷末云。三界有無一切法。不
能與佛爲譬喻。譬如山林鳥獸等。無有依空而住。

者。虛空真如及實際。涅槃法性寂滅等。唯有如是
眞實法。可以顯示於如來。卽其文也。又佛地論第
四云。如契經言。乃至所有施設譬喻。諸如來所
有功德。一切皆是。謗諸如來。唯除一喻。所謂虛空
可喻如來。戒等無量功德。同虛空故。然虛空喻。有同不同。故下經云
解如來身。非如虛空。一切妙法。所圓滿等。此顯不
同。今分取同義。同義多種。如下十忍品。今有二喻
開成四義。一。含攝喻。兼無分別義。二。普徧喻。兼徧
入義。以此四喻。喻意業者。下經云。佛智廣大。同虛
空故。此總喻也。量智包含。而普徧。理智無分別。而
證入。又大圓鏡智。純淨圓德。現種。依持。能現。能生
身土智影。卽含攝義。下經云。菩提智。普現一切衆

生心念根欲等而無所現無所現言無有分別平等性智。觀一切法。自他有情悉皆平等。亦無分別。無分別言。顯無差別。故下經云。於一切義無所觀察等。是以太虛含衆像。衆像不能含太虛。太虛不分別衆像。衆像乃差別太虛。以况我法不能容佛智。佛智乃能容我法。有我法者。分別如來。是如來者。不分別我法。二普徧喻中。妙觀察智無不徧知。卽普徧義成所作智。曲成無遺。卽隨入義。又下經云。佛智廣大同虛空。普徧一切衆生心。此卽智體徧悉了世間諸妄想。此約智用徧。又云。得一切法。

界量等心。此約證徧智性。全同於色性故。比約理徧云。何徧入。不壞能所。有證知故。故下經云。世間諸國土。一切皆隨入。智身無有色。非彼所能見。故經云下。引證。卽問明品。佛境甚深。中答佛境入。文然彼中意。入有二義。一者色身入。二者智身入。今取智入。身入可見。智入唯由隨於如。卽入無所入。故云平等。由隨於如下。釋平等入言。此乃義引淨有所隨。所隨則在能隨之外。能隨之法。乃在所隨如外。所隨之如。不徧能隨。由無所隨當體如矣。若約觀行。隨如之心不生。真順如矣。問明亦云。如來淡境界。其量等虛空。一切衆生入。而實無所入。卽其義也。是以虛空徧入國土。國土不徧入虛空。有國土處必有虛空。有虛空處或無國土。虛空之於國

土平等隨入國土之於虛空自有彼此虛空可喻
佛智國土可喻三世三世有處佛智必在其中佛
智知處三世或無其體佛智之於三世平等隨入
三世之於佛智自有始終此猶約不二而二說耳
若二而不二國土虛空三世佛智同一性故皆互
相入舉一全收普徧亦然上但佛智徧三世今三
世間圓融則言思道斷故名佛智為不思議也三
世
間者兼結上來包含之義及無次以二喻喻身業
分別悉皆圓融故云不可思議
者一毛尚容法界全分必含衆像世界成就品云
利等微塵數種種任一一皆皆有徧照尊在衆會中
宣妙法出現品云如人持尺量虛空復有隨行計

共數。虛空邊際不可得。佛一毛孔無涯限。次下文云。一毛端悉能含受一切世界。而無障礙。皆毛合法界。出現身業。第二喻云。譬如虛空寬廣非色義也。而能顯現一切諸色。而彼虛空無有分別。亦無戲論。合云。如來身亦復如是。一切衆生諸善根業。皆得成就。卽含攝義。而如來身無有分別。卽第二義。佛身充滿於法界。卽普徧義。又云。譬如虛空徧至一切色非色處。非至非不至。如來身亦復如是。徧一切法。一切國土等。卽普徧義。亦非至非不至。卽平等隨入義。亦非至非不至者。謂無身故。非至非不至。卽平等。非不至。卽不礙。至是隨入。次以四義喻語業者。如來於一語言中。具一切

語言故舍支天鼓無心出故。舍支天鼓者。即證第

二無分別義。此有二

修羅女名曰舍支。於一音中。出百千種音。亦不

念。令如是出。菩薩摩訶薩。亦復如是。入無分別界。

成就善巧。隨類之音。於無邊世界中。恆轉法輪。

天鼓。即出現語業。第二天鼓。覺悟喻。結云。佛子。彼

天鼓音。無主無作。無起無滅。而能利益無量衆生。

下法合竟。結云。而如來音。不住方所。無有言說。即

無心出義。又如隨好品。天鼓為諸地獄天子。說法

云。諸天子。如我說我而不著我。不著我所。一切諸

佛。亦復如是。目說。是佛。不著於我。不著我所。即無

心義。故諸論皆云。佛身如摩足珠。無心現。如來音

色。佛口如天鼓。無心出聲。皆無分別義。

聲。無不至故。如來音聲下。亦出現語業。第一相云。

聲故。此證第。應知如來音聲無斷絕。普人法界故。

二三普徧義。

又云。如來音聲無邪曲。即平等義。隨其信解。令歡

喜故卽隨入義。以空一喻徧喻三業。故云正覺得無量清淨三輪。明文昭然。非是穿鑿。菩提身竟。

身恒徧坐一切道場。菩薩衆中。威光赫奕。如日輪出。照明世界。

疏第二身恆下。威勢身超勝。謂隨諸有情所樂示現。受用身土影像差別。無不周徧。言一切道場者。畧有十種。一智身徧坐法性道場。二法身非坐而坐道場。三法門身安坐萬行道場。四幻化身安坐水月道場。此四義便故來。若正約威勢身。畧辨六類道場。一徧一切同類世界道場。如名號品等說。

二一切異類世界。謂樹形等。如世界成就品。三一切世界種中。四一切世界海中。竝如華藏品說。五一切微塵中。文云。如於此會見佛坐。一切塵中亦如是等。六刹塵帝網無盡道場。并前十種。故云一切言菩薩衆中威光赫奕者。止顯威勢超勝。勝於勝者。故獨言菩薩。非不超餘。如日輪出。照明世界。約喻以顯。映山出沒。無隱顯。故處處全現。無異體。故喻徧坐道場。鉢言菩薩衆中等者。卽以此文顯是威勢身也。映蔽菩薩故。映山出沒者。謂映山出沒。如化身坐道場。無隱顯者。卽法身坐道場。處處全現下。卽報身坐道場。以卽應卽真故。隨處卽大明。流空餘輝。掩耀赫日之照。難究全皆無異體。

其涯。喻彼威光超映菩薩。菩薩不能測也。既云照世。則終益生。盲先照高山。獨言菩薩。

三世所行衆福大海。悉已清淨。

疏第三福德身深廣。二世佛德昔皆徧學。今三際

已斷垢習斯亡。故衆福皆淨。

而恒示生諸佛國上。

疏第四隨意受生。二隨他意。處處受生。一隨自意。

能無不生。謂慈悲般若恆共相應。感而遂通。窮未

來際。鈔四卽意生身。然意生有二義。一者是喻。猶

隨自意。二隨他意。總謂隨意速疾而成故。

無邊色相圓滿光明。徧周法界等無差別。

〔疏〕第五相好莊嚴。身色無盡。故名色無邊。十蓮華藏微塵數相。名相無邊。而皆稱真。則一一無邊。諸相隨好放光。常光皆稱法界。故云圓滿。廣處。陞處。皆圓現。故名無差別。

演一切法如布大雲

〔疏〕第六卽願身演法。謂雨大法。雨斷一切疑。故下經云。毘盧遮那佛。願力周法界。一切國上中。恆轉無上輪。然經二句。上法下喻。文含多意。一雲喻於身。雨爲說法。法喻影畧。又先興慈雲。後霑法雨。一

雲一雨所潤不同。亦隨物機宜。雲雨各異。掩塵蔽日。普覆無心等。

一一毛端。悉能容受一切世界。而無障礙。各現無量神通之力。教化調伏一切衆生。

〔疏〕第七化身自在。謂於大衆會能現無邊作用差別。皆自在故。文中二。先明廣容無礙。謂於如來身。一一毛頭。容一切刹。而無障礙。無礙有二義。一。以一小毛現多大刹。則一多大小無礙。二。此毛多刹。與彼毛多刹。參而不雜。則隱顯無礙。鈔廣容無礙者。謂法界如空。有其二義。一。廣容。二。普徧。今一塵如法界之包含故。卽是廣容。後各現下。普徧。

以廣容不礙普徧故還於前毛內刹中神力調生。若廣徧十方示現種種變化三業成所作事居然易了。以廣容下出毛內調生所以謂廣容則收法界入於一毛普徧則展一毛徧於法界今毛正容無邊刹時即普徧故便徧所容刹內若廣徧下。二舉况釋謂尚徧毛內何况外耶疏文即是成所作智之妙用也。

身徧十方而無來往

〔疏〕第八法身彌綸以法為身本來湛徧故無來往。鈔彌綸即周徧包羅之義以法為身等者先明法性身徧無來往。依法現色還如法身。在此即是在彼亦不待往來。依法現色下約來往所以用此釋者由下以三身收之以此屬化身故。

智入諸相了法空寂

[疏]第九智身窮性相之源相別曰諸性皆空寂性靜故寂相無故空

三世諸佛所有神變於光明中靡不成覩一切佛土不思議劫所有莊嚴悉令顯現

[疏]第十力持身能持自他依正於中先持正報神謂妙智變謂現身轉變變現俱名為變皆能持之尚持於他况於自事後段亦然[鈔]力持等者疏文後以三身收束前中又二後一切佛土下能持依初正報二依報今即初也

報橫盡諸土豎窮諸劫所有嚴事常持令現上約

十身若約三身者則初三段皆名報身而恆下化
身身徧十方下。法身就報身中前一自受用報後
二即他受用報。故云處菩薩衆以諸教中說三身
四身成說等別。今皆圓融於一始成無不頓具。出
束所以謂有問言何用更以三身收束十身故今
釋云以諸教三四迢然不同今明圓融一身具三
則權實有別言三身成異者法身無成出障為成
報身四智創圓為成化身八相菩提樹下為成三
身說異者法身無說報身佛佛相見亦無有說化
身有說若攝末歸本應化非真佛亦非說法者即
報身說報同所證是法身說言四身成說異者於
報身中開自他受用自受用徧法界成則無所說
他受用為十地。十身為正三四義兼。又毛內調生
成爲十地說。光中持利如空普徧等亦即國土等十身三世間

圓融豈報化之云別。四融國土等十身。毛內調生。是虛空身。菩薩眾中。亦菩薩身。如來居然可見。三世間下。謂十身中。眾生業報。即眾生世間。此三情非情異。染非染異。尙得爲一。豈一如來身上。而分報化之殊。明知權說。隔歷難可比。此圓融是知畧以十德。歎於教主。其一德無不圓融。當去情思之矣。已上教主難思竟。

論第三爾時世尊處于此座已下。至所有莊嚴悉令顯現。明歎佛成道修行果滿。依正報得悲智攝生自在。無邊分。總明如來處座成佛。身語智等三業自在。眷屬莊嚴。利生自在。如來所坐之座。以法

界爲座體。以如來一切萬行報得爲依。果莊嚴如來。是大智之身。緣座上所有莊嚴。皆是如來大智隨行任運報得。如龍遊雲起。虎嘯風生。報感之應。然非物能與爲也。成最正覺者。爲簡非聲聞緣覺於權教中。木樹草座。獸俗出纏。令劣解衆生起三乘種。且拔分段苦。非究竟覺之正覺。簡非如是覺。故故言成最正覺。此正覺者。不忻不厭。出不沒。不染淨情盡。以大圓鏡智。稱法界性。自在教化。盡一切衆生世界。刹海皆非限制。所有報境。身國相徹。圓滿十方。諸佛衆生。自他同處。互相參入。影現重。

重不云報滿三千大千之利。不云淨土在於他方。畧說大相。有九十七種大人之相。隨好無盡。頂著華冠。項著纓絡。手著環釧。非同三乘。馱俗出家。勸諸菩薩。生於他方佛國淨土。簡非如是。故言成最正覺。號毗盧遮那。此云光明徧照。佛以其大智教光。依根破障。故如經一一自有其文。智入三世。悉皆平等者。明智能隨俗。言入三世。卽俗體本真。故言平等。以總別同異成壞六相義。該括卽總而全別。卽別而全總。卽同而俱異。卽異而恆同。卽成而俱壞。卽壞而俱成。皆非情計一異。俱不俱。有無非。

有無常無常。生滅相故。如是皆是如來理智體用。依正悉自在故。以自體無念力大智照之。可見此一段十三行經。總明如來身語智三業依正。隨用自在。經文自具。不煩更釋。第三明歎佛成道依正報得悲智攝生竟。

建安桂林善坊弟子謝龍錫同室陳氏
女良捐貲刊刻
大方廣佛華嚴經世王妙嚴品疏論纂
要第三卷永遠流通伏願螽斯衍慶世
澤綿長仰被
佛光作法門之外護永資法力爲儒宗
之席珍者
康熙己未年九月朔旦
華藏室謹題